

КАНОН МОЛЕБНЫЙ КО ПРЕСВЯТОЙ БОГОРОДИЦЕ, ПОЕМЫЙ ВО ВСЯКОЙ СКОРБИ ДУШЕВНОЙ И ОБСТОЯНИИ

Творение Феостирикта монаха

Глас 8-й

Песнь 1

Ирмос: Воду прошед яко сушу, и египетскаго зла избежав, израильтянин вопияше: Избавителю и Богу нашему поим.

Припев: Пресвятая Богородице, спаси нас.

Многими содержимь напастьми, к Тебе прибегаю, спасения искый: о, Мати Слова и Дево, от тяжких и лютых мя спаси.

Пресвятая Богородице, спаси нас.

Страстей мя смущают прилози, многого уныния исполнити мою душу; умири, Отроковице, тишиною Сына и Бога Твоего, Всенепорочная.

Слава: спаса рождшую Тя и Бога, молю, Дево, избавитися милуемых: к Тебе бо ныне прибегая, простираю и душу и помышление.

И ныне: Недугующа телом и душею, посещения Божественного и промысления от Тебе сподоби, едина Богомати, яко Благая, Благого же Родительница.

Песнь 3

Ирмос: Небеснаго круга Верхотворче Господи, и Церкви Зиждителю, Ты мене утверди в любви Твоей, желаний краю, верных утверждение, едина Человеколюбче.

Пресвятая Богородице, спаси нас.

Предстательство и покров жизни моея полагаю Тя, Богородительнице Дево: Ты мя окорми ко пристанищу Твоему, благих виновна, верных утверждение, едина Всепетая.

Пресвятая Богородице, спаси нас.

Молю, Дево, душевное смущение и печали моея бурю разорити: Ты бо, Богоневестная, начальника тишины Христа родила еси, едина Пречистая.

Слава: Благодéтеля рóждши дóбрых винóвнаго, благодея́ния бога́тство всем источи́, вся бо мо́жеша, я́ко си́льнаго в крéпости Христа́ рóждши, Богоблаже́нная.

И ныне: Лю́тыми недúги и болéзненными страстьми́ истязáему, Дéво, Ты ми помоги́: исцелéний бо неоскúдное Тя зна́ю сокрóвище, Пренепорóчная, неиздивáемое.

Спаси́ от бед рабы́ Тво́я, Богорóдице, я́ко вси по Бóзе к Тебé прибега́ем, я́ко неруши́мей стéне и предстáтельству.

При́зри благосéрдием, всепéтая Богорóдице, на моé лю́тое телесé озлоблéние, и исцели́ души́ мое́я болéзнь.

Тропарь, глас 2-й

Мо́ление тéплое и стéна необорíмая, мíлости исто́чнице, мíрови прибе́жище, приле́жно вопи́ем Ти: Богорóдице Влады́чице, предвари́, и от бед изба́ви нас, еди́на вскóре предстáтельствующая.

Песнь 4

Ирмос: Услы́шах, Гóсподи, смотре́ния Твоегó та́инство, разуме́х дела́ Тво́я и просла́вих Твоé Божество́.

Пресвятáя Богорóдице, спаси́ нас.

Страстéй мо́их смущéние, кóрмчию рóждшая Гóспода, и бúрю ути́ши мо́их прегрешéний, Богоневéстная.

Пресвятáя Богорóдице, спаси́ нас.

Милосéрдия Твоегó бéздну призывáющу пода́ждь ми, Я́же Благосéрдаго рóждшая и Спа́са всех пою́щих Тя.

Пресвятáя Богорóдице, спаси́ нас.

Наслажда́ющися, Пречы́стая, Тво́их даровáний, благодарственное воспевáем пéние, вéдуще Тя Богомáтерь.

Слава: На одрэ́ болéзни мое́я и нéмощи низлежа́щу ми, я́ко Боголюбíва, помози́, Богорóдице, еди́на Приснодéво.

И ныне: Наде́жду и утвержде́ние и спасéния стéну недви́жиму имúще Тя, Всепéтая, неудобства́ всякаго́ избавля́емся.

Песнь 5

Ирмос: Просвети́ нас повелéнии Тво́ими, Гóсподи, и мýщицею Твоéю высóкою Твой мир пода́ждь нам, Человеколю́бче.

Пресвятая Богородице, спаси нас.

Исполни, Чистая, веселия сердце мое, Твою нетленную даючи радость, веселия рождающая виновного.

Пресвятая Богородице, спаси нас.

Избави нас от бед, Богородице Чистая, вечное рождающая избавление, и мир, всяк ум преимуций.

Слава: Разреши мглу прегрешений моих, Богоневесто, просвещением Твоея светлости, Свет рождающая Божественный и превечный.

И ныне: Исцели, Чистая, души моея немощение, посещения Твоего сподобляющая, и здравие молитвами Твоими подаждь ми.

Песнь 6

Ирмос: Молитву пролию ко Господу, и Тому возвещу печали моя, яко зол душа моя исполнися, и живот мой аду приближися, и молюся яко Ибна: от тли, Боже, возведи мя.

Пресвятая Богородице, спаси нас.

Смерти и тли яко спасл еси, Сам Ся издав смерти, тлением и смертию мое естество яже бывшее, Дево, моли Господа и Сына Твоего, врагов злодействия мя избавити.

Пресвятая Богородице, спаси нас.

Предстательницу Тя живота вем и Хранительницу тверду, Дево, и напастей решающую молвы, и налоги бесов отгоняющую; и молюся всегда, от тли страстей моих избавити мя.

Слава: Яко стену прибежища стяжашом, и душ всесовершенное спасение, и пространство в скорбех, Отроковице, и просвещением Твоим присно радуемся: о, Владычице, и ныне нас от страстей и бед спаси.

И ныне: На одре ныне немощствующей лежу, и несть исцеления плоти моей: но, Бога и Спаса миру и Избавителя недугов рождающая, Тебе молюся, Благой: от тли недугов возстави мя.

Кондак, глас 6-й

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву, и

пощійся на умолѣние, предстѣтельствующи прїсно, Богородице, чтущих Тя.

Другой кондак, глас тот же

Не ймамы инья по́моци, не ймамы инья надѣжды, рѣзве Тебѣ, Пречїстая Дѣво. Ты нам помози, на Тебѣ надѣемся, и Тобою хвалимся, Твой бо есмь рабы, да не постыдимся.

Стихира, глас тот же

Не ввѣри мя человѣческому предстѣтельству, Пресвятая Владычице, но приими моление раба Твоего: скорбь бо обдержит мя, терпѣти не могу дѣмонскаго стрѣлянія, покрова не ймам, ниже где прибѣгну окаянный, всегда побеждаемь, и утешѣнія не ймам, рѣзве Тебѣ, Владычице мїра, упованіе и предстѣтельство вѣрных, не презри моление мое, полѣзно сотвори.

Песнь 7

Ирмос: От Иудѣи дошедше ѓтроцы, в Вавилоне иногда, вѣрою Трїческойю пламень пѣщный попрѣша, поюще: отецъ Бѣже, благословѣн еси.

Пресвятая Богородице, спаси нас.

Наше спасѣние Якоже восхотѣл еси, Спасе, устроити, во утрѣбу Дѣвыя вселился еси, юже мїру Предстѣтельницу показал еси: отецъ нашихъ Бѣже, благословѣн еси.

Пресвятая Богородице, спаси нас.

Волителя мїлости, Егѣже родила еси, Мати чїстая, умоли избавитися от прегрешѣній и душѣвныхъ скверн вѣрою зовущим: отецъ нашихъ Бѣже, благословѣн еси.

Слава: Сокровище спасѣнія и Источник нетлѣнія, Тя рѣждшую, и столп утверждѣнія, и дверь покаянія, зовущим показал еси: отецъ нашихъ Бѣже, благословѣн еси.

И ныне: Телѣсныя слабости и душѣвныя недуги, Богородительнице, любовію приступающихъ к крову Твоему, Дѣво, исцѣлити сподоби, Спаса Христа нам рѣждшая.

Песнь 8

Ирмос: Царя Небеснаго, Егѣже поютъ вои ангельстии, хвалите и превозносите во вся вѣки.

Пресвятая Богородице, спаси нас.

Помощи яже от Тебе требующий не презри, Дево, поющая и превозносящая Тя во веки.

Пресвятая Богородице, спаси нас.

Неможение души моея исцеляеши и телесныя болезни, Дево, да Тя прославлю, Чистая, во веки.

Слава: Исцелений богатство изливаяеши верно поющим Тя, Дево, и превозносящим неизреченное Твое рождество.

И ныне: Напастей Ты прилоги отгоняеши и страстей находы, Дево: темже Тя поем во вся веки.

Песнь 9

Ирмос: Воистинну Богородицу Тя исповедуем, спасеннии Тобою, Дево Чистая, с безплотными лики Тя величающе.

Пресвятая Богородице, спаси нас.

Тока слез моих не отвратися, Яже от всякаго лица всяку слезу, отъемшаго, Дево, Христа рождающая.

Пресвятая Богородице, спаси нас.

Радости мое сердце исполни, Дево, Яже радости приемшая исполнение, греховную печаль потребляющи.

Пресвятая Богородице, спаси нас.

Пристанище и предстательство к Тебе прибегающих буди, Дево, и стена нерушимая, прибежище же и покров и веселие.

Слава: Света Твоего зарями просвети, Дево, мрак неведения отгоняющи, благоверно Богородицу Тя исповедающих.

И ныне: На месте озлобления немощи смирившагося, Дево, исцели, из нездравия во здравие претворяющи.

Стихиры, глас 2-й

Высшую небес и чистую светлостей солнечных, избавльшую нас от клятвы, Владычицу мира песнями почтим.

От многих моих грехов немощствует тело, немощствует и душа моя; к Тебе прибегаю, Благодатней, надеждо ненадежных, Ты ми помози.

Владычице и Мати Избавителя, прими моление недостойных раб Твоих, да ходатайствуеши к Родшемуся от Тебе; о, Владычице мира, буди Ходатаица!

Поем прилежно Тебе песнь ныне, Всепетой Богородице, радостно: со Предтечею и всеми святыми моли, Богородице, еже ущедрити ны.

Вся Ангелов воинства, Предтече Господень, апостолов двенадцятице, святии вси с Богородицею, сотворите молитву, во еже спастися нам.

Молитвы ко Пресвятой Богородице

Царице моя преблагая, надеждо моя Богородице, приятелище сирых и странних Предстательнице, скорбящих радости, обидимых Покровительнице! Зриши мою беду, зриши мою скорбь, помози ми яко немощну, окорми мя яко странна. Обиду мою веси, разреши ту, яко волиши: яко не имам инья помощи разве Тебе, ни инья Предстательницы, ни Благия Утешительницы, токмо Тебе, о Богомати, яко да сохраниши мя и покрыеши во веки веков. Аминь.

К кому возопию, Владычице? К кому прибегну в горести моей, аще не к Тебе, Царице Небесная? Кто плач мой и воздыхание мое примет, аще не Ты, Пренепорочная, надеждо христиан и прибежище нам грешным? Кто паче Тебе в напастех защитит? Услыши убо стенание мое, и приклони ухо Твое ко мне, Владычице Мати Бога моего, и не презри мене, требующаго Твоея помощи, и не отрини мене грешнаго. Вразуми и научи мя, Царице Небесная; не отступи от мене раба Твоего, Владычице, за роптание мое, но буди мне Мати и Заступница. Вручаю себе милостивому покрову Твоему: приведи мя грешнаго к тихой и безмятежней жизни, да плачуся о гресех моих. К кому бо прибегну повинный аз, аще не к Тебе, упованию и прибежищу грешных, надеждою на неизреченную милость Твою и щедроты Твоя окривляемь? О, Владычице Царице Небесная! Ты мне упование и прибежище, покров и заступление и помощь. Царице моя Преблагая и скорая Заступница! Покрой Твоим ходатайством моя прегрешения, защити мене от враг видимых и невидимых; смягчи сердца злых человек, встающих на мя. О, Мати Господа моего Творца! Ты еси корень девства и неувядаемый цвет чистоты. О, Богородительнице! Ты подаждь ми помощь немощствующему плотскими страстьми и болезнующему сердцем,

едино бо Твое и с Тобю Твоего Сына и Бога нашего имам
заступление; и Твоим пречудным заступлением да избавлюся от
всякия беды и напасти, о Пренепорочная и Преславная Божия Мати
Марие. Темже со упованием глаголю и вопию: радуйся, благодатная,
радуйся, обрадованная; радуйся, преблагословенная, Господь с
Тобю.